

Letšatši la makgaolakgang la go faela la ngwaga ka ngwaga la balefela motšhelo ba sebakanyana le ditherasete, ke la 20 Janaware 2025

Tshwane, 17 Janaware 2025 – Letšatši la makgaolakgang la Ditherasete le balefela motšhelo ka noši ba sebakanyana la go faela dipušetšo tša bona tša motšhelo wa letseno tša ngwaga wa motšhelo wa 2024, ke Mošupologo wa la 20 Janaware 2025.

Ngwaga wa kelo wa 2024 o šupetša go sebaka sa magareng ga la 01 Matšhe 2023 go fihla ka la 29 Febereware 2024.

Molefela motšhelo wa Sebakanyana ke motho ofe goba ofe yo a amogelago letseno goba yo letseno la gagwe le oketšegago, ntle le mogolo. Therasete e akareditšwe ka fase ga hlaloso ya “motho” go ya ka Molao wa Motšhelo wa Letseno, nom.58 wa 1962 gomme o tšewa bjalo ka molefela motšhelo.

Ditirelo tša Motšhelo tša Afrika Borwa (SARS) di lakatša go leboga balefela motšhelo bao ba šetšego ba rometše dipušetšo tša bona tša ngwaga gomme di ipiletša go balefela motšhelo bao ba sa tlogo go romela dipušetšo tša bona, go dira bjalo pele ga letšatši la mafelelo.

Balefela motšhelo go akaretša Ditherasete, ka molao ba tlamega go ngwadiša bakeng sa motšhelo wo o amegago, go faela dipušetšo tša bona tša motšhelo le go dira ditefelo tšeo di swanetšego go SARS mo go amegago. Go se obamele boitlamo bjo ke molato wa bosenyi gomme o tlo gokara dikotlo le ditswala. Balefela motšhelo ba swanetše go ngwadiša bakeng sa eFiling go faela dipušetšo tša bona tša motšhelo wa letseno la ngwaga.

Go tloga go le bohlokwa kudu go lemoga gore Ditherasete ka moka di swanetše go faela dipušetšo tša motšhelo tša ngwaga ka ngwaga, go akaretša tšeo di sa šomego go ya ka ekonomi. Batshephiwa ke "baemedi ba molefela motšhelo" ba Therasete gomme ba na le maikarabelo a semolao maamong a bona a semmušo le a mong a go fihlelela boitlamo bja bona bja motšheo, le ge ba diriša setsei sa motšhelo go laolela merero ya bona ya motšhelo wa Therasete legatong la bona. SARS e tlo latofatša batshephiwa ka moka ba Therasete mokopanelwa gape ka maikarabelo a o tee ka o tee a go se obamele motšhelo wa Ditherasete.

SARS e nolofeditše balefela motšhelo go obamela ka go diriša ditharollo tša go faela ka onelaene. Pušetšo ya motšhelo wa letseno la mong (ITR12T) e ka hwetšwa go eFiling mola peakanyo ya kopano go lekala la SARS e ka dirwa go wepsaete ya SARS.

Balefela motšhelo ba hlohleletšwa go špetša go wepsaete ya SARS go hwetša tshedimošo enngwe ya mabapi le boitlamo bja bona bja motšhelo go dikgokaganyo tše di latelago: [Ditherasete, Setlha sa go Faela Motšhelo sa 2023](#) le [Motšhelo wa Sebakanyana](#). Wepsaete ya SARS e fana ka [letlakala la go bolela ka Ditherasete](#) leo le nago le dimphafatšo tša kgafetša kgafetša tša mabapi le boitlamo bja motšhelo wa Ditherasete, ditlhahli le lenaneo la ngwadišo ya motšhelo wa [Therasete le ditokumente tša thekgo](#). Dithuto tša video le [diwebinara](#) ka a obamelo ya motšhelo wa Therasete di ka lebelelwa go <https://www.youtube.com/@sarstax>.

E phatlaladitšwe ke ba Ditirelo tša Motšhelo tša Afrika Borwa